



Na osnovu člana 9. Zakona o kantonalnim ministarstvima i drugim tijelima kantonalne uprave Srednjobosanskog kantona („Službene novine Srednjobosanskog kantona“, broj: 8/03 i 14/03) i Odluke Vlade Srednjobosanskog kantona o usvajanju Godišnjeg programa razvoja male privrede Srednjobosanskog kantona broj: 01-11.7-1753/2024 od 29.02.2024.godine, Ministarstvo privrede raspisuje

## **JAVNI POZIV ZA SUFINANSIRANJE RAZVOJNIH PROJEKATA PRIVREDNIH DRUŠTAVA**

### **I PREDMET I NAMJENA JAVNOG POZIVA**

Objavljuje se javni poziv za sufinansiranje razvojnih projekata privrednih društava sa pozicije “Subvencije privatnim preduzećima i poduzetnicima - poticaj privredi” iz Budžeta Ministarstva privrede za 2024. godinu.

Sredstva za ovu namjenu rasporedit će se privrednim društvima koja imaju sjedište na području Srednjobosanskog kantona, u skladu sa Odlukom Vlade Srednjobosanskog kantona o usvajanju Godišnjeg programa razvoja male privrede Srednjobosanskog kantona broj:01-11.7-1753/2024 od 29.02.2024. godine.

### **II OBLASTI KOJE ĆE SE SUFINANSIRATI**

Sa pozicije “Subvencije privatnim preduzećima i poduzetnicima - poticaj privredi” sufinansirat će se:

a) privredna društva iz drvoprerađivačke industrije - šifri osnovne djelatnosti Klasifikacije djelatnosti Bosne i Hercegovine 2010 – KD BiH 2010 („Službeni glasnik BiH”, broj 47/10 – u daljm tekstu: KD BiH 2010) iz oblasti 16 i 31, te pratećih djelatnosti iz razreda 02.20 i 32.99.

b) privredna društva iz oblasti metalne industrije - šifri osnovne djelatnosti KD BiH 2010 iz oblasti 24, 25, 28, 30.

c) privredna društva iz oblasti industrije tekstila, kože i obuće - šifri osnovne djelatnosti KD BiH 2010 iz oblasti 13, 14 i 15.

d) privredna društva iz oblasti informacionih tehnologija - IT sektor - šifri osnovne djelatnosti KD BiH 2010 iz oblasti 62 i 63

e) privredna društva iz ostalih industrijskih grana zadatih šifri osnovne djelatnosti KD BiH 2010, sve oblasti područja F - građevinarstvo, kao i oblasti iz grana 18.1 i 20.4.

### **III PRAVO NA PODNOŠENJE PRIJAVE NA JAVNI POZIV**

- 1) Pravo na podnošenje prijave na Javni poziv imaju privredna društva čija se šifre osnovne djelatnosti nalaze u oblastima iz poglavlja II ovog Javnog poziva.

## 2) **Nemaju pravo na podnošenje prijave i učešća na javnom pozivu:**

- a) javna preduzeća, banke i druge finansijske organizacije, osiguravajuća društva, sportske kladionice, obrti, privredna društva čija djelatnost obuhvata igre na sreću, javne institucije, organi uprave, organi i jedinice lokalne samouprave, privredna društva čiji su žiro računi blokirani, privredna društva i svi drugi subjekti čije šifre osnovne djelatnosti nisu obuhvaćene oblastima iz poglavlja II ovog Javnog poziva.
- b) privredna društva koja su pod stečajem ili likvidacijom;
- c) privredna društva koja nisu dostavila izvještaj o implementaciji programa i rezultatima ostvarivanja programa po ranije dobivenim poticajnim sredstvima, i kojima od strane Ministarstva privrede nije prihvaćen izvještaj.
- d) privredna društva koja imaju dospjelih a neizmirenih obaveza prema Srednjobosanskom kantonu.
- e) privredna društva koja nisu izmirili obaveze po osnovu javnih prihoda ili nemaju potpisan sporazum o odgodi plaćanja (doprinosa za PIO/MIO i zdravstveno osiguranje i osiguranje od nezaposlenosti zaključno sa 31.12.2023.godine.
- f) privredna društva koja ne plaćaju porezne obaveze ili nemaju potpisan sporazum o odgodi plaćanja, zaključno sa 31.12.2023.godine.

## **IV SADRŽAJ I PODNOŠENJE PRIJAVE PRIVREDNIH DRUŠTAVA**

Prijave na javni poziv dostavljaju se putem web plaforme „eprivreda“, putem pošte na adresu Ministarstvo privrede SBK (Stanična 43, Travnik) ili lično na protokol Vlade SBK.

- Privredna društva koja se prijavljuju putem web platforme, prije podnošenja prijave, su dužna da se registruju na web platformi „eprivreda“ ([www.eprivreda.ba](http://www.eprivreda.ba)). Privredni društva su dužna na web platformi „eprivreda“, nakon popunjavanja prijavnog obrasca, učitati sljedeće dokumente:
  - a) Prijedlog projekta koji treba da sadrži (naziv projekta, opis projekta, opis plana realizacije, iznos vlastitih finansijskih sredstava za realizaciju, planirano novo zapošljavanje, plan ulaganja, viziju za dalji napredak rast i razvoj, očekivane kratkoročne i dugoročne rezultate i sve druge elemente od značaja za predloženi projekat).
  - b) Rješenje iz sudskog registra sa svim pojedinačnim priložima ili aktuelni izvod iz sudskog registra.
  - c) Uvjerenja o poreznoj registraciji (identifikacijski broj: ID broj).
  - d) Uvjerenje o registraciji obveznika poreza na dodanu vrijednost (ukoliko je po Zakonu o porezu na dodanu vrijednost u sistemu).
  - e) Uvjerenje nadležnih institucija o redovnom izmirenju obaveza po osnovu javnih prihoda ili potpisan sporazum o odgodi plaćanja (doprinosa za PIO/MIO, zdravstveno osiguranje i osiguranje od nezaposlenosti) zaključno sa 31.12.2023.godine,
  - f) Listu osiguranih lica
  - g) Uvjerenje o izmirenim indirektnim porezima ili potpisan sporazum o odgodi plaćanja za obveznike poreza na dodanu vrijednost zaključno sa 31.12.2023.godine (subjekti koji nisu obveznici poreza na dodanu vrijednost obavezni su dostaviti vlastitu izjavu da ne potpadaju pod navedenu obavezu).
  - h) Obavještenje o razvrstavanju subjekata prema klasifikaciji djelatnosti KD 2010 - Federalnog zavoda za statistiku.
  - i) Uvjerenje nadležnog suda da subjekt nije pod stečajem ili pred likvidacijom,
  - j) Potvrdu banke o otvorenom transakcijskom računu.

- k) Potpisanu i ovjerenu izjavu o namjenskom korištenju sredstava iz priloga javnog poziva. (ovjerenu od strane općine ili notara).
- Privredna društva koja se prijavljuju putem pošte ili lično na protokol Vlade SBK dostavljaju gore navedenu dokumentaciju, tačka a) do k), uz koju prilažu popunjen obrazac zahtjeva za prijavu, koji se nalazi u prilogu Javnog poziva.

Prijave koje ne sadrže svu potrebnu dokumentaciju, bit će odbačene i neće biti predmet daljeg razmatranja Komisije. Sva priložena dokumentacija mora biti izdana od strane nadležnih sudskih ili upravnih organa u F BiH. Dokumentacija ne smije biti starija od 3 mjeseca od dana objavljivanja ovog poziva izuzev dokumentacije iz tački c), d) i Rješenja o registraciji.

Preliminarni rezultati Javnog poziva objavljuju se na web stranici Ministarstva privrede, radi eventualnog ulaganja prigovora u roku od osam dana, od dana objave preliminarnih rezultata. Konačna Odluka o izboru korisnika podsticajnih sredstava objavljuje se u „Službenim novinama Srednjobosanskog kantona“.

## **V KRITERIJI ZA OCJENU PRIJAVE I IZBOR KORISNIKA**

Pri razmatranju podnesenih prijava i prijedloga projekata vrednovat će se sljedeći kriteriji:

- a) broj zaposlenih radnika, maksimalno do 40 bodova.
- b) kvalitet prijedloga projekta koji treba da sadrži (naziv projekta, iznos vlastitih finansijskih sredstava za realizaciju, planirano novo zapošljavanje, plan ulaganja, viziju za dalji napredak rast i razvoj, očekivane kratkoročne i dugoročne rezultate i sve druge elemente od značaja za predloženi projekat - maksimalno do 20 bodova.
- c) potencijal za razvoj i širenje - maksimalno do 20 bodova.
- d) ravnomjerniji regionalni razvoj (stepen razvijenosti općina) - maksimalno do 20 bodova.

## **VI POTPISIVANJE UGOVORA O IMPLEMENTACIJI ODOBRENIH SREDSTAVA**

Sa korisnicima sredstava kojima se Odlukom Vlade raspodijele finansijska sredstva Ministarstvo privrede zaključit će ugovore o implementaciji odobrenih sredstava koji sadrži visinu, namjenu i uslove dodjele sredstava, rokove utroška odobrenih sredstava, međusobna prava i obaveze, način i rokove izvještavanja o utrošku sredstava, nadzor nad utroškom sredstava u svrhu za koju su odobrena, te sankcije u slučaju nepoštivanja Ugovora.

## **VII OBAVEZE KORISNIKA SREDSTAVA**

Korisnici sredstava imaju sljedeće obaveze i odgovornosti:

- 1) Da dodjeljena sredstva koriste namjenski u skladu sa Odlukom Vlade o usvajanju Godišnjeg programa razvoja male privrede, Javnim pozivom, Odlukom Vlade o raspodjeli finansijskih sredstava i Ugovorom o implementaciji odobrenih sredstava.
- 2) Da se pridržavaju svih rokova iz Odluke Vlade o usvajanju Godišnjeg programa razvoja male privrede, Javnog poziva, Odluke Vlade o raspodjeli finansijskih sredstava i Ugovora o implementaciji odobrenih sredstava.
- 3) Da u skladu sa Odlukom Vlade o usvajanju Godišnjeg programa razvoja male privrede, Javnim pozivom, Odlukom Vlade o raspodjeli finansijskih sredstava i Ugovorom o implementaciji odobrenih sredstava dostave Izvještaj o utrošku finansijskih sredstava Ministarstvu privrede Srednjobosanskog kantona.

## **VIII PRAĆENJE I NADZOR NAD KORIŠTENJEM FINANSIJSKIH SREDSTAVA**

- 1) Praćenje namjenskog korištenja sredstava od strane korisnika sredstava vršit će Komisija za praćenje koju imenuje Ministar privrede.
- 2) Inspeksijski nadzor nad implementacijom podsticajnih sredstava vrši nadležna kantonalna inspekcija.
- 3) Korisnici sredstava obavezni su dodijeljena sredstva koristiti namjenski i dužni su dostaviti Izvještaj o utrošku budžetskih sredstava po propisanom obrascu "Izvještaj po Javnom pozivu o utrošku sredstava."
- 4) Ukoliko se utvrdi da je korisnik sredstava nenamjenski utrošio sredstva, korisnik sredstava dužan je izvršiti povrat cjelokupnog iznosa doznačenih sredstava na račun Vlade Srednjobosanskog kantona u roku od 30 dana kada je Ministarstvo privrede pisanim putem to od njega zatražilo. U suprotnom pokrenut će se postupak pred nadležnim organima protiv korisnika sredstava koji nije opravdao doznačena sredstva.
- 5) Ukoliko korisnik sredstava nije utrošio cjelokupan iznos doznačenih sredstava za realizaciju odobrenog zahtjeva, dužan je izvršiti povrat neutrošenih sredstava uplatom istih na račun Vlade Srednjobosanskog kantona u roku od 30 dana od dana završetka projekta uz obrazloženje.

## **IX PODNOŠENJE PRIJAVE**

Prijave sa odgovarajućom dokumentacijom, dostavljaju se putem web platforme „eprivreda“, putem pošte na adresu Ministarstvo privrede SBK (Stanična 43, Travnik) ili lično na protokol Vlade SBK.

Rok za dostavljanje prijave je 20 (dvadeset) dana od dana objave javnog poziva na web platformi [www.eprivreda.ba](http://www.eprivreda.ba)

Nepotpune, neblagovremene i neuredne prijave neće biti razmatrane.

## **X TROŠKOVI PO JAVNOM POZIVU**

U postupku po Javnom pozivu Ministarstvo ne snosi nikakve troškove učesnicima Javnog poziva, te zadržava pravo da izmjeni, poništi Javni poziv, ili da odbaci sve prijave, u bilo koje vrijeme prije zaključenja ugovora.

## **XI OSTALE ODREDBE**

Sa privrednim društvima kojima se rasporede finansijska sredstva Ministarstvo privrede će potpisati Ugovor o implementaciji odobrenih sredstava, kojim će biti preciziran način i dinamika korištenja sredstava, te nadzor nad trošenjem istih u namijenjene svrhe. Sve dodatne informacije vezane za javni poziv mogu se dobiti svakim radnim danom putem telefona broj: 030/ 511 - 217 od 9,00 do 12,00 sati.

Broj: 05-11-2332/24

Travnik, 21.03. 2024.godine

**MINISTAR**  
**dr.sci.Sedžad Milanović**